

精鈔
大字

隨

園

全

集

隨

筆

三

欽定四庫全書

卷一百一十五

隨園隨筆卷五

金石類

錢塘袁枚子才著

東漢碑文起六朝唐朝割裂之漸

東漢碑文起後人文字割裂之漸。尹宙碑君東平相之元。元者元孫也。會稽太守之曾。曾者曾孫也。省二孫字。韓勅修孔子廟碑。霜月之靈。皇極之日。當是九月五日也。唐君頌曰。五六六七。訓道若神。是用曾點冠者五六人。童子六七人也。棠邑費鳳碑。菲五五者。言居喪菲食二十五月也。樊敏碑。遭離母憂。五五斷仁。亦即此義。孔彪碑。可以託六。則歇後語。亦只算博士矣。此後作文者。梁元帝法寶聯璧序云。相兼二八。將兼四七。唐馬總鄆州刺史廳記。與二侔大。與三並耀。風俗通。道以三興。德以五感。蕭子榮日出東南隅云。三六前年暮。四五今年朝。李嗣夫人碑。壽十二兮九九。期韓昌黎送窮文。滿十去五。在七除二。白香山祭李侍郎文。三心六眼。同一茫然。皆濫觴于此。班孟堅幽通賦。妣聆吟而劾石。許相理而鞠條。王逸九思賦。管束縛兮桎梏。百貿易兮傳鬻。皆割裂古人姓名。韓文公烏氏廟碑。有從戰捺祿走可突。千等語。祿者祿山也。可者可汗也。亦是效尤之病。曹成王碑。連用嘑剌。鞞鐙。掀掀。擗笑等字。方密之以爲据。撫廣韻。英雄欺人。至于城南聯句。蔓延角出。縮樹啄頭。敲鐙。尤招類哇。翻白出閣之嘲矣。不可爲訓。

碑志子婦

古碑志。女志婦。不志子婦。惟元歐陽元撰。參知政事。許有壬碑。并志子婦。

碑牒子孫男婦次第于左

余嘗苦志人子女婿官太繁。閱金石志。見宗懋母夫人墓志末云。謹牒子孫男。女次第名位。婚宦如左。殊覺簡便。可爲後法。北魏故懷令李君墓志。亦于銘詞之後。別書妻息外家官位年齒。

周夫人墓志題上不稱夫配

志稱夫人。義興人也。漢真將軍勃之苗裔。晉輔國大將軍處之孫。皇明通之女。適爲太原王府君靜信之妻。乃題上僅稱唐故義興周夫人墓志。而王府君不書。是又一例也。

孟夫人墓志題上不稱夫人

志稱孟夫人。姓孟。字敬訓。清河人也。而題上只書魏代揚州長史南梁郡太守。宜陽子司馬景和妻墓志而已。何古人之質朴乃爾。志稱中散大夫之幼女。陳郡府君之季妹。而父兄之名不書。何古人之疎畧乃爾。

碑陰無字

漢碑陰常有字者。上刻一禽若鳳。其下則麟也。中有牛首銜環。兩旁六玉。右瑁圭璧。左琮璜。

璋碑陰舍字立象以補碑所未盡或鑿二圓穴于首以存麗牲緯柩之古式

先載鏤石之人後載大義主

北魏賈士行德政碑宋時出于庖下石曼卿其字謂爲褚河南所宗法碑前五行總序先載鏤石之人數名并即作文頌襄事者六行始入正傳此亦金石文字中之變例也末一行稱大義主三四人又于門生故吏之外別創一格

七十二座蛟龍碑

龍門之山伊闕之內石刻佛象最多皆有姓名與造象年月俱北朝人爲君親祈禱之意愚而瀆者也字亦醜劣不足觀惟楊大眼以名將題名爲世所重其他碑中略有文詞者碑首兩側俱雕蛟龍之形明季猶存七十二座故相傳爲七十二座蛟龍碑余收藏大業開皇長安武平景明孝昌等年號石像記僅二十餘種

周孝侯碑與史異

晉書周處討齊萬年軍敗無援力戰而死潘岳有身膏齊斧之詩是被殺也通鑑因之亦無異詞余構得周孝侯碑陸機撰文王羲之書稱元康九年因疾增加奄捐館舍春秋六十有二天子以大臣之葬師傅之禮親臨殯殮給其母醫藥酒米云云與史大異碑又載將討齊萬年吟詩曰云去世事已策馬觀西戎藜藿甘梁黍期之克令終詩字俱不佳必是後人僞

作然亦無明証也

石百卒史誤爲百戶史卒

漢書儒林傳郡國置五經百石卒史臣瓚以爲卒史秩百石者杜佑通典誤爲百戶史卒今卒史碑誤爲百戶碑矣黃霸傳稱左馮翊二百石卒史蓋祿之多寡不同也

先靈

王稚子碑稱漢故先靈侍御史先靈之稱亦奇

漢碑太濫

漢碑太濫宜有晉人之禁如胡廣陳寔各有三碑袁滿年十五胡根年七歲各有一碑已屬不倫逢同碑年纔十二乃有門生孫理王升等十有三人

碑銘用韻之奇

顏魯公作浯溪頌四字一句一句一韻倣毛詩也作子儀家廟碑銘詞兩句一韻至四句一束第五句別用十二侵韻到底不知何倣歐陽圭齋作許魯公碑銘一句用東韻一句用江韻亦奇雁門田穎作張府君墓銘銘前文云嗚呼誰免榮枯適觀全盛今已淪俎又曰梁木折太山頽三子腸斷二女情摧是文中用韻也但稱張公字希古而不書其名亦金石中之一例

柳敏碑銘通韻之寬

柳敏哀詞用韻者八。而兼有今之冬江陽庚青。蓋本史記龜策傳之例。後人謂江陽必不通者。悞也。柳君卒于本初元年後二十三年。同歲生趙臺。來作縣令。念舊特立此石。想見古人友誼。

韓仲良碑

余得一碑。爲王行滿所書。字迹並未剝落。而獨于書姓名處。有斧斤斲削之形。漫不可考。幸有祖褒仕于魏周云云。得知其祖爲韓褒。後周書有傳云。褒卒。子繼伯嗣爵。宰相世系表云。紹字繼伯。是也。因紹考之。方知爲高宗相韓瑗之父。仲良之碑。仲良唐書無傳。惟瑗傳前云。父仲良。武德初與定律令。終刑部尚書。秦州都督府長史。潁川縣公。後瑗爭王皇后之廢。許敬宗等誣以不道。至于削爵籍家。子孫流竄。所以碑亦斲削其姓名。是不可不爲之詳考。而發明之也。

神道碑多諱

程琳欲買張遜之宅。使張遜乳母入宮。見太后。用御寶許售。而後買之。卒以致敗。歐公碑中諱而不言。琳獻武后臨朝圖亦不載也。

崔鶯鶯碑

相傳崔鶯鶯碑。即鄭府君碑。在河南滎陽縣治。中文秦貫撰。稱府君諱恆。字伯常。夫人傳陵。崔氏年七十六。以大中十二年二月合祔于先塋之側。女一人。適范陽盧損之子。子六。長珣。次珮。次瑾。次玘。次璩。次琬。顧甯人謂據此足辨會真記之誣。又容臺集云。女適盧損。字行甫。非損之子也。

以國號爲字

梁師亮墓志。君字永徽。永徽。唐高宗年號也。古人絕無避忌。猶之袁紹字本初。本初。漢質帝年號也。

夏承碑有三本

漢夏承碑。在永年縣漳州書院二門外。凡有三本。趙明誠金石錄云。元祐間。治河得于土中者一本也。金薤琳琅云。江陰徐公擴得舊刻。雙鉤其字。以惠余。舊缺字四十五。而此獨完好。以勤約二字爲紹字者二本也。嘉靖間。郡守唐曜取摹本。臨石置亭中。又一本也。余旻曰。金石文字記云。夏承碑舊在廣平府永年縣漳州書院者。即唐曜所刻也。

古無格式忌諱

魯峻碑。事帝則忠。帝字平寫。唐中嶽嵩陽寺碑。皇帝太后不跳行。不空闕。余因而類推之。尚書三后協心。臣亦稱后。左氏李武子追而與之盟書。大夫亦稱爾書。列子季梁大漸。士病。

亦稱大漸。緇衣稱葉公之顧命。少牢饋食禮戶祝曰受祿于天。眉壽萬年。漢書韋元成傳使
家坐稱大行。以元成爲後樓護傳稱將軍至尊。曹操祭喬元稱乃心陵墓。史記臨卽今日往
朝相如。後漢書任延臨龍邱長之喪三日不朝。劉龍傳山谷鄙生不識郡朝。光武詔鄧禹曰
司徒亮也以亮稱其臣。鼂錯父謂錯曰吾不忍見公反禍。以公稱其子。顏延之避顏竣之鹵
簿以鹵簿稱其子。霍光傳鷦鷯殿上黃霸傳長史一輩先下殿。張敞傳孝子貞夫先上殿。皆
人臣之殿也。鄭明奏記于蕭望之田蚡奏狗馬以百數。桓譚奏書于重賢。龐參奏書于鄧騭
皆屬下之奏也。樊噲見淮陰侯稱臣。樊於期見荆軻稱臣。史記漢書諸王世子稱太子王夫
人稱后。丙吉趙廣漢傳教令稱勅。馬援傳李固傳屬吏呼萬歲。潘岳閒居賦亦云稱萬壽以
獻觴其實萬歲二字始見于呂氏春秋之宋康王國策之孟嘗君非至漢武之嵩呼而始有
此稱也。新序梁君出獄聞公孫襲之言援其手上車入廟自呼萬歲則又萬歲自呼者也。張
詠在益州軍人欲擁立之忽呼萬歲詠下車北面亦呼萬歲此又呼萬歲作權變者也。夏侯
湛曰我王母登遐晉武詔曰山太常尚居諒陰孫綽序云敢冒諒闇之譏孔宙碑有禹湯罪
己之詞郭輔妻碑有娥娥三妃行追太妣之語濟陽太守碑曰呂君宰政垂拱無爲。藁長碑
曰無爲而治蕩蕩有功。鄭固以曹掾事郡將而曰犯顏謗謗造膝說詞武都以太守作頌而
曰赫赫明后克長克君咸陽碑以功曹送別而曰君臣流涕皆古人絕無避忌之証然漢書

王子侯表。見利侯劉釘。坐遺淮南王書稱臣而誅。吳良却臨淄太守之觴。以椽五望。稱萬歲而呵之。韓稜議迎大將軍憲實之禮曰。人臣無稱萬歲之制。蓋立法漸嚴。可以觀世變矣。

文不入墓者宜用表碣

古人之銘。廟與墓兼用之。而誌則專用之于幽室。南豐所寄歐陽舍人書。乃謝其撰先大夫墓碑銘而作碑銘。非幽室所用。故其書雖嘗因銘及誌。而所云或納于廟。或存于墓者。固不論誌。而但論銘也。衛孔悝之鼎銘。晉魏顥之景鍾銘。銘之于彝器。韓文公之烏氏廟碑銘。袁氏先廟碑。顏魯公之家廟碑。銘之于碑石。是皆所以納于廟者也。于墓誌無與。其存于墓者。埋諸壙中。則有若葬銘埋文墓誌銘。孰文墳記壙記之屬。立諸神道。則有若墓表文墓碣銘。神道碑。阡表之屬。其名兩不相假。未有墓誌而立石壙外者也。惟南史裴子野傳載一事。此當時藩王破常例。重疊為之耳。傳云子野之葬。相東王為墓誌。銘陳非其正也。故碑碣與表葬後可刊。而誌銘必先期而作。其有葬期迫而不及攻石者。則書石以誌。既葬刊文。即不復追納之于壙。若昌黎誌李元賓墓之類是也。其立石在祠堂若兩舍。蓋亦有之。若所作墓銘。距葬時實遠。幽室不得用其文。但宜施于表碣。顯刻墓前。不當名之為誌。刊藏兩舍。唐之葬令。凡五品以上為碑。龜趺螭首。降五品為碣。方趺圓首。是碑與碣異制也。明制三品以上。神道碣。四品以下。墓表。黃黎洲謂自有墓表。更無墓碣。知墓表亦方趺而圓首。是碣與表同制。

也。隋唐人之命碑碣表多稱其實。後世或有碑其碣而碣其表者。然考本朝律。處事不禁其用表碑與碣。惟品官得立。與唐令不殊。則刊石故有定制。而名號亦不得僭亂。碣身高廣之度。古碣高四尺。會典所載圓首碑。七品以下用者高五尺五寸。濶二尺二寸。雍正元年定五品以上用碑。首圓跌螭六品以下用碣。方跌圓首與唐制同。

碑有四品孫五品孫之稱

唐澤王府主簿梁府君並夫人唐氏墓誌末云。四品孫義陽朱賓撰文。五品孫榮陽鄭莊書。其云四品孫五品孫者。唐書選舉志三品以上蔭曾孫。五品以上蔭孫。孫降子一等。此朱鄭二人法當蔭叙。而尚未得官。故以四品孫五品孫署銜。他碑所未有也。

碑題書官位則文中不書

司馬元興碑。標題云。魏故南朔將軍固州鎮將鎮東將軍漁陽太守宜陽子司馬元興墓誌銘。文中但序事。絕無一言。再及其官位者。以題已備著之也。此金石中之一例也。

墓志詳書則神道碑從簡

李程撰太尉李光顏碑。文甚簡。其序云。相國晉公書公盛績。永志元堂。琬琰之詞。傳于衆口。故今之甄述。得以畧焉。古人作文。取于雷同。雖他人之文。亦必回避。此又金石中之一例也。墨制授官碑文不諱。

唐已速孤行儼者神慶之子也父子有碑而新舊唐書俱無本傳碑書行儼以神龍二年墨制授右武衛將軍員外置同正員墨制者即斜封墨勅之謂蓋不由中書門下而出自禁中者也中宗之世政以賄成凡員外同正試攝檢校判知官大都皆以倖門得之行儼以此得官必非正人然竟以碑得永其名可謂幸矣

主簿加上柱國見于碑文

梁府君碑府君以出貲助餉永隆二年恩詔受上柱國上柱國爲勛階之最而梁君以王府主簿得之殊不可解按杜佑傳佑上議曰魏置柱國當時元勛盛德者居之貴寵第一至周隋間授受已多國家以爲勛級才得地三十頃耳可見唐時勛階甚濫故選舉志凡勛官選者上柱國正六品叙梁府君以朝議郎正六品階而任王府主簿從六品職職卑于階矣明大學士嚴嵩辭加上柱國疏稱上之一字非人臣所宜居乞特免此官以昭國典何其諷而不學哉

孔廟置百石卒史及史晨碑皆當時格式

孔廟置百石卒史碑載魯相平行長史事下守長擅上公府書蓋漢制王國相長史一人猶郡守之有丞也下爲魯屬縣故守長得上行長史事其云守者未實授之名書首相長史並列其後祇相一人史晨碑亦然蓋當時公牘之例如此魯相史晨奏出王家殷祀孔子碑前

載奏詞。後為韻語。贊孔子之聖。晨既奏于朝。又以其副上大傅大尉司徒司空大司農府。亦漢時郡國奏事之例。如此。猶今時題本之有副本。又有揭帖也。

壹代一

隋龍藏寺碑。九重壹柱之殿。皆以壹代一字。按禮記節以壹惠。鄭註壹讀為一。正義云。上壹是齊。下一是數之一二也。經文為大壹之字。鄭恐是均同之理。故讀為小一。取一个善名為諡耳。讀此碑知壹之代一。隋時已然。再唐法琬法師碑。書者為左衛翊壹府翊衛劉欽旦。翊一府者。五府之一也。以壹代一。唐時公牒亦多用之。

後五代藩鎮之尊見于碑碣

蘇禹珪傳。開化瑤巖閣記。蓋劉知遠為河東節度使。北平王時所舍。俸重修者。其書北平王。跳行起一格。與書後唐諸帝同式。僧知常書閔忠寺重藏舍利碑。所云隴西令公者。李可舉也。旌麾清河公者。張仲武也。碑文中于大唐文宗宣宗及上書。皆空二格。于清河公亦空二格。于隴西令公。則跳行書。蓋當時河朔之俗。知有節使。不知有天子也。

後五代樞密之權見于度牒

長興四年。賜冥福禪院地土牒。于紀日月之外。鈐以中書門下印。後二行。又大于首行。稱樞密使檢校太傅平章事。駙馬都尉趙樞密使檢校太傅平章事。范而不書名。以史考之。蓋趙

延壽范延光也。其時馮道李愚官同中書平章事。乃真宰相也。延壽延光特以樞密使加平章事耳。此牒出于中書門下。而押行者惟趙范二人。道等皆不與。可以想見當時宰相之皆爲備員矣。郭威爲樞密使。從河內來。變置宰相。如更驛卒。有以哉。

碑補史所不及

碑有補史之所不及者。如孫叔敖名饒。薛仁貴名禮。歐公以爲非碑。則人不知。史稱王稚子爲溫令。而碑云爲河內令。令外有上谷府卿。祝其縣卿之官。河南尹下。有循行一百三十人。蓮勺左卿有秩。池陽左卿有秩云云。皆史所無。金石錄載東漢繁陽令楊君之政。足爲循吏。而史書無其人。華山廟碑。漢武封禪。有存仙殿。望仙門。皆漢書所不載。邯鄲陳元方碑。以何進薦拜五官中郎。而後漢書本傳以爲董卓入洛。就家拜。爲此官。宋廣平碑。稱公雅好諧謔。不事於莊。安西都護趙含章賄事發覺。簿上獨無公名。公奏明皇曰。趙賄偶不及臣門。非不受也。此事唐書本傳所不載。而見于顏魯公所書碑側。盧懷慎碑。言懷慎本名德。慎卒于開元四年。而新書乃稱臨卒。語宋璟以上享國日久之語。年代不符。太宗功臣。史稱圖形凌烟閣。而河間元王孝恭碑。言圖形戢武閣。他若柳敏孝廉。韓仁循吏。史多遺載。本朝巴里坤。有敦煌太守裴岑紀功碑。稱永和二年八月。敦煌太守雲中裴岑。將部兵三十人。誅呼衍王等云云。後漢書所無也。使非此碑。則岑功沒矣。後漢書皇甫規傳。稱屬國都尉李翕。多殺

降羌恃倚權貴。規到官條奏其罪。而武都西狄頌稱其治化精通。致黃龍白鹿之瑞。使非此碑。則翕功又沒矣。魏中書鄭義碑。稱義之使于宋也。宋主客郎孔道均就邸設會。酒行樂作。均問樂何如。荅曰。哀楚有餘。而雅正不足。其能久乎。魏書本傳不載。淮安定公趙芬碑。稱封淮安縣開國子。隋書芬本傳。稱封淮安縣男。傳不載芬諡。而碑稱定公。其以大將軍歸第。傳亦不書。莒國公唐儉碑云。人多庸鄙。惟尉遲敬德頗識事機。公示之以安危。告之以成敗。云云。蓋指儉陷劉武周時。密說敬德使降唐事也。唐書不載。金明昌三年。威顯廟祈雨感應記。稱隋涼州總管韓擒虎。為韓莊公擒虎。有諡。皆足補史書本傳之缺。其他漢魏晉唐一切文武官名。不見于百官志。郡縣地名。不見于地理志者。碑志詳書之。不可勝數矣。

碑補小說之所不及

唐北嶽府君碑。御史中丞陳懷志所書。中稱通天二年。有瀛州清苑縣人。魏名確。行季。至岳廟前。見二人。一白衣。一紫服。侍從甚肅。自云。我是五岳大使。發兵馬六十萬。為國討賊。五岳大神。九月三日俱來此山。大為懼會。名確遷延不出。諸神遂乃作怒。牽至廟中。用申責罰。祝史楊仙童親見其事。乃馳告官司。州將駭之。遂以聞奏。云云。左拾遺孔紆墓志。殿中侍御史鄭仁表所書也。中稱紆未沒前月餘。書一詩于東床上。君隱語曰。許下無言奪少年。震而不雨。月當弦。風濤渭逆。舡艫沒。從此無舟濟大川。及死。後人乃悟。許無言是午字。震不雨是辰字。

紆病極以辰日死以上弦日而歲則在甲午也此數事皆唐人小說所不載

又

李紳會稽龍宮碑曰紳以進士貞元十八載客于江浙與釋修真遇于剡之陽師言老禪有念今茲果矣顧謂余曰後當領鎮此道幸建立龍宮以資福履余以爲孟浪之詞笑而不答至太和癸丑其言竟驗代國長公主碑公主夢念珠練斷急手自拾一个不得自知不祥已而薨逝鄭子春撰北嶽壇廟碑亦云高陽人田登封見嶽神降形興兵討逆

唐碑可笑

上柱國梁思墓志叙其先世云竦因才著冀以榮稱以大姦爲先人之光榮陽令盧公清德文題云大唐洛州滎陽縣頭陀逸僧識法師上頌聖主中興得賢令盧公清德之文以頭陀之名冠首於鄉人劉虔獎諸人之上皆可笑也常熟令郭思謨墓志稱朝廷斷屠之日母思羊肉有慈烏銜肉而來冬間憶菴蘿果庭樹爲之結實又憶新笋叢蔓忽苞而出于時天后造周爲之嘉嘆云云蓋其時武后革命之時好言祥瑞故其時激說好名之人遂附而書之

追樹十八代祖碑亦有例

唐虢州刺史王顯追樹十八代祖晉司空大原王公神道碑碑稱晉司空王公名卓其先出於周平王孫赤其父泄未立嗣赤當嗣爲桓王所廢其後奔晉代爲并州牧凡王姓皆赤

之後世間大原瑯琊譜稱祖子晉者皆非也碑所云云未知何本三代前亦無并州牧之官名晉史亦無司空王卓俱不可考然追立十八代祖碑亦金石中之一例書碑人名韋縱楷法絕似顏魯公

從子稱君之例見裴道安墓志從弟稱君之例見杜牧弟觀墓志

裴道安墓志乃其族叔裴朏所撰也志中稱道安爲君又杜牧志其弟觀亦稱君則碑志之稱君固不論于尊卑亦金石中之一例矣道安諱植新唐書附見于光庭傳其字道安則史所未載行儉祖定高見于舊唐書及新唐書宰相世系表而隋書裴仁基傳作定此碑與隋書同或疑當有一悞然考北史周宣帝禁人有高大之稱諸姓高者改爲姜九族稱高祖爲長祖則知定高本二名其單稱定者必天元時所改矣

節度使在家食俸之例見于葛從周碑

碑稱昭義軍節度葛從周神道碑昭義者潞州軍號也唐末潞州爲河東所有不在朱梁管內從周以疾致仕遙授節度食其俸于家非真節度也宋世節鎮在家食俸之例殆始于此

錢本草

沈凡民先生家藏錢本草一帖文爲張燕公所作字爲樊厚所書荔菲彬所刻一時汪退谷徐誠齋王虛舟林吉人諸名公俱有題跋大概以此本在金石錄中所無而筆法整媚疑是